

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 145. sjednici, održanoj dana 10.03.2022. godine, d o n o s i

## ZAKLJUČAK

### I.

Prihvata se Mišljenje Ministarstva za pravosuđe i upravu, doneseno po Inicijativi Sanje Renić, poslanice u Skupštini Zeničko-dobojskog kantona, broj: 06/04/1-02-2067-2/22 od 03.03.2022. godine - vezano za upućivanje u skupštinsku proceduru Nacrta Zakona o sprječavanju sukoba interesa u Zeničko-dobojskom kantonu.

### II.

Zaključak sa Mišljenjem iz tačke I. upućuje se u dalju skupštinsku proceduru.

### III.

Zaključak stupa na snagu danom donošenja.

Broj: 02-\_\_\_\_\_/22  
Datum, 10.03.2022. godine  
Zenica

**PREMIJER**

*Mirnes Bašić*

DOSTAVLJENO:

1x Ministarstvo za pravosuđe i upravu,  
1x Stručna služba Skupštine,  
1x a/a.



**Broj: 06/04/1-02-2067-2/22**

**Datum: 3.3.2022. godine**

Na poslaničku inicijativu podnesenu u pisanoj formi predsjedavajućem Skupštine Zeničko-dobojskog kantona, 3.2.2022. godine, od strane poslanice Sanje Renić, koja se odnosi na upućivanje u skupštinsku proceduru Nacrta Zakona o sprječavanju sukoba interesa u Zeničko-dobojskom kantonu, Ministarstvo za pravosuđe i upravu daje sljedeće:

## MIŠLJENJE

Ministarstvo za pravosuđe i upravu smatra opravdanim i potrebnim donošenje ovakvog zakona, koji bi se odnosio na sve izabrane dužnosnike, nosioce izvršnih funkcija i savjetnike u Zeničko-dobojskom kantonu, koji bi se sveobuhvatno primjenjivao na području Zeničko-dobojskog kantona obuhvatajući općine i gradove.

Ministarstvo za pravosuđe i upravu raspolaže provjerenim informacijama da je Federalno ministarstvo pravde uz podršku Britanske ambasade u Sarajevu, u završnoj fazi izrade integralnog teksta Zakona o sukobu interesa u organima vlasti Federacije Bosne i Hercegovine, koji je u obradi od 2019.godine. Predviđeno je da ovaj Zakon regulira sprječavanje sukoba između privatnog i javnog interesa u vršenju javnih funkcija u Federaciji Bosne i Hercegovine, kantonima i jedinicama lokalne samouprave, obavezu podnošenja i sadržaj izvještaja o finansijskom stanju, imovini i interesima nosioca javne funkcije, osnivanje Komisije za odlučivanje o sukobu interesa i postupak koji ona provodi, nadzor nad provođenjem Zakona, kao i druga pitanja od značaja za sprečavanje sukoba interesa nosilaca javnih funkcija.

Donošenje potpuno novog zakona ima za cilj usaglašavanje ovog zakona sa zakonima drugih nivoa vlasti u Bosni i Hercegovini.

Ministarstvo raspolaže informacijama da navedeni tekst Federalnog Zakona je od 2019. godine, još u proceduri usvajanja.

Ministarstvo je također izvršilo uvid u službene evidencije objavljenih i važećih propisa te utvrdilo da se isti ne nalazi u evidencijama objavljenih propisa od 2019. godine, pa do danas.

Stoga je Ministarstvo, a nakon razmatranja podnesene poslaničke inicijative, mišljenja da upućivanje u skupštinsku proceduru Nacrta Zakona o sprječavanju sukoba interesa u Zeničko-dobojskom kantonu, ne bi bilo u duhu harmonizacije propisa na području Bosne i Hercegovine, Federacije BiH koji regulišu ovu oblast, te bi stvorilo nepotrebne troškove nužne radi implementacije kantonalnog zakona, iako isti nisu navedeni u inicijativi shodno članu 117. Poslovnika o radu Skupštine Zeničko-dobojskog kantona („Službene novine Zeničko-dobojskog kantona, broj 14/18, 18/18, isp. 7/19 i 7/20).

Ministarstvo predlaže donošenje zaključka o prihvatanju Stajališta Ministarstva.

**MINISTAR**  
Nebojša Nikolić